

# Dienelkander



## Nuusbrief van die Gereformeerde Kerk Potchefstroom-Oos

2 Oktober 2016

### OGGENDDIENS: Ds. Piet

**Skrifgedeelte:** 1 Petrus 3: 13 - 17

**Teks:** 1 Petrus 3: 15 - 16

Daar was die afgelope tyd 'n radioprogram op Sondae-aande waarin bekende wetenskaplikes hulle agnostiese/ateïstiese sieninge bespreek het en op die wyse 'n baie duidelike aanval op die bestaan van God, die gesag van die Bybel en die betekenis van die Christelike geloof gerig het. Gelowiges het met groot ontsteltenis hiervan kennis geneem en gevra hoe ons hierop moet reageer. Hoe antwoord 'n mens iemand wat so 'n aanval op God en ons geloof rig?

Aan die ander kant kry gelowiges in die algemene gang van die lewe meer en meer te doen met ongelowiges en wonder dan: hoe praat ek met die persoon oor my geloof? Wat moet ek sê en waaroor moet ek praat? Moet ek enigsins iets sê of moet ek eerder maar net stilbly?

Kom ons leer vanmore by die Here wat ons moet doen en sê.

### Vooraf sang

Ps. 19:3: 1, 3, 4; Lied 255: 1, 2 en  
Lied 253: 1, 2

### Ontmoetingsdiens

Intreelied Sb. 12:3: 1, 2; Votum; Seën;  
Loflied Ps. 138:1: 1, 2, 3

### Verootmoedigingsdiens

Sing met die oog op die Wet: Ps. 119:2: 12 en 13; Wet - Fokus op Eerste Gebod en HK Sondag 34, vr 94; Sing Ps. 119:1: 10; Gebed

### Woorddiens

Skriflesing; Woordverkondiging;

### Antwoorddiens

Geloofsbelijdenis: 12 Artikels (almal hardop saam); Liefdegawes; Gebed; Sing Ps. 12:1: 1, 2, 4, 5, 6, 7 (Mel: Sb 4 - 8 se eerste mel); Seën; Amenlied Sb. 13:3.

### AANDDIENS: Ds. Karel

**Skrifgedeelte:** Genesis 18:16-33

**Teks:** Genesis 16:22-23

**Tema:** Maak inspraak in wêreldgebeure, want die Alwetende God staan voor jou!

Ons staan vanaand stil by die tweede preek in 'n reeks getiteld "As God voor jou kom staan." Ons gaan in besonder kyk na die gebeure toe God voor Abraham kom staan het en vir hom bekend gemaak het wat Hy met Sodom en Gomorra gaan doen.

In hierdie gebeure hoor ons iets baie besonders: God, wat alles weet, kom staan voor ons en nooi ons uit om in gebed te tree voor Hom en om voorbidding te doen vir wêreldgebeure. In die tyd waarin ons leef, is dit wonderlik om te weet dat God ons uitnooi

om juis te bid vir dit wat in die wêreld aan die gang is en dat ons kan weet dat ons gebede verhoor word!

### Vooraf sang

Lied 207: 2, 3 en Ps. 95-2: 1, 3

### Ontmoetingsdiens

Intreelied Lied 159: 1, 2; Votum; Seën;  
Lofsang Ps. 90-2: 1, 4, 6; Gebed

### Woorddiens

Skriflesing; Sing Sb. 1-2: 2, 3;  
Woordverkondiging

### Antwoorddiens

Dankgebed; Liefdegawes; Gebed vir BnB;  
Sing Lied 428: 1, 2, 3; Seën; Amenlied  
Sb. 13-2.

### MEELEWING

- Pieter Bredenkamp (Groep 23 - 082 879 7507) ondergaan more 'n verdere operasie aan sy pols.
- Dirk Lubbe (Groep 19 - 082 771 9245) ervaar erge rugpyn en is onder behandeling.
- Julialet Rens (Groep 6 - 083 235 2359) se pa, ds. Christo (Proffie) van Vuuren, se begrafnis vind more-oggend om 11:00 hier uit ons kerkgebou plaas.
- Jurgen en Cornelia Schreck (Groep 38 - 084 208 3465) se ouma is in die ouderdom van 92 jaar oorlede.
- Nico Alberts (Groep 32 - 082 444 4893) is deur 'n vioolspinnekop aan sy enkel geblyt en het 'n operasie ondergaan. Hy moet nog veloorplantings ondergaan om die bytplekke toe te maak. Hy sterk nog aan in Medi-kliniek.

**Ons bid dat die Here spoedig beterskap, herstel en troos sal gee.**

### ONS VRA VOORBIDDING VIR DIE VOLGENDE LIDMATE WAT SUKKEL MET SIEKTE OF SWAK GESONDHEID

Srs Marianne Kruger, Bettie Ras, Janet vd Walt, Hester Buys, brs. Isak vd Walt en Tjaart Snyman, Andy en Blossom Pretorius.

### ONDERSTEUNING VIR SIEKES

Vir ondersteuning of besoeke deur die hospitaalbesoeke-diensgroep, skakel hierdie week vir: [siekies@oosdoppers.co.za](mailto:siekies@oosdoppers.co.za) of Marian de Kock 082 950 4358

### BAIE GELUK!

Jan en Mia van Jaarsveld is swanger en ons bid hulle die seën van die Here toe.

### AFKONDIGINGS

#### Vandag

09:30 Oggenddiens  
Geen kleuterbediening en katkisasie  
Tee en Koffie  
Geen kooroefening vir die vakansietyd - begin weer 16 Okt om 16:00  
18:00 Aanddiens

#### Maandag

Kerkkantoor is gesluit vir die dag

### VERJAARSDAE

Baie geluk aan almal wat DV hierdie week verjaar!

#### Sondag, 2 Oktober

Sr Marnè de Jager 082 976 6355

#### Maandag, 3 Oktober

Br Fanie v Zyl (75) 072 141 8316  
Jsr Anna-Belle Watson

#### Dinsdag, 4 Oktober

Br Jan Norval 084 301 6636  
Sr Yda Vosser (93) 018 290 8286

#### Woensdag, 5 Oktober

Jsr Maya Steenkamp  
Sr Odelia Venter 083 290 1572

#### Vrydag, 7 Oktober

Sr Carien Dreyer (82) 072 520 8963  
Sr Annemie Kruger 082 331 7006

## Saterdag, 8 Oktober

Sr Rieëtte Venter	082 898 4197
Br Schalk du Preez	082 411 3257
Sr Emmerentia Jonker (82)	072 838 6732
Sr Annatjie Vermeulen	079 307 7337

## ANDER AFKONDIGINGS

- Liefdegawe vanoggend vir Barmhartigheid
- Gawe by die deure vanoggend vir die Thusofonds
- Gawe volgende Sondag vir die SDDS (Kinderhuise).
- Vrywillige bydrae vir voertuigsecuriteit in die busses by die deure.
- Diensbeurte: Groep 24 en 26.
- Ds Piet is hierdie komende week vanaf Donderdagmiddag tot Sondag uitstediig met 'n familietroue in Fouriesburg.

## KENNISGEWINGBORD

- Frankfort Riviertoer - 30 Nov - 4 Des 2016
- Kuierkombuis by Aardklop van die Geref. Kerk, Die Bult
- Aardklop produksies
- Huizemark en Cansa teken-kompetisie

## BAIE DANKIE

Verlede naweek en die afgelope week het ons weer verstorm gestaan oor die liefde van die Here wat Hy deur ons broers en susters aan ons bewys. Dankie vir elke lidmaat se besoeke, oproepe, SMS'e, e-posse, WhatsApp's en kommentaar op Facebook met Sion se hospitalisasie. Dit beteken ontsettend baie vir ons! Dit is absoluut wonderlik om deel te wees van só 'n liefdevolle gemeente.

Liefde, Karel, Susan en Sion

## DANKIE

Liewe susters, hartlike dank vir die pragtige ruiker wat ons van julle ontvang het met my man se verjaarsdag. Met baie waardering vir julle meelewing en liefde.

Bert en Gep Floor

## DIAKONIE: KOSKAS

Ons herinner u aan die koskas wat die diakonie het, waaruit kospakkies vir behoeftige gesinne gepak word. Die koskas is huidig weer baie leeg en sal ons enige skenkings baie waardeer! Behalwe vir nie-bederfbare kos, kan u ook gerus toiletware skenk waaraan ons 'n behoefté het.

## BID SAAM MET DIE BYBELGENOOTSKAP

**Guatemala:** Bid asseblief dat ons projekte, "Groei en Leer" en "My tweede kans", jongmense en kinders wat slagoffers van geweld is, sal help om by die Bybel betrokke te raak. Bid ook vir ons werkswinkels om mense te help om die Bybel te ontdek en beter te leer ken.

**Honduras:** Bid vir Bybelwerk in ons land wat onder geweld gebuk gaan. Bid veral vir ons projek om Bybelse-beginsels by ons polisie-en weermaglede in te skerp, asook vir die projek om ouers te help om die Bybel vir hulle kinders te leer.

**EI Salvador:** Loof die Here vir vordering met Bybelverspreiding in ons land. Bid veral vir die werk van die plaaslike Bybelgenootskap onder kinders en die jeug. Bid dat meer mense by die Bybel betrokke sal raak.

**Suriname:** Loof die Here vir die voltooiing van die Sanang Tongo Bybelvertaling en bid vir vordering met die vertaling van die Ou Testament in Javaans. Bid ook vir Bybelwerk in Guyana en Frans-Guiana.

## BIBLES FOR BELIEVERS SE TERUGVOER OOR ONS GEMEENTE SE ONDERSTEUNING OM BYBELS IN AFRIKA TE VERSPREI

Beste ds Piet en Gemeente,

Dit is wonderlik om aan jul gemeente terugvoer te kan gee en namens 1502 Christene wat by 148 kerke in Malawi in Junie Bybels vanaf Bibles for Believers (Harvesters Ministries) ontvang het, "dankie" te kan sê. Of dan soos hul in Chichewa sê: Zikomo

kwambiri!”. Uit ons hart uit baie dankie vir die bydrae van R7110.00 wat ons van julle af ontvang het, en wat ons in staat gestel het om vir hierdie mense God se kosbare Woord te kon bring.

Die span het in Junie opgery na Malawi en moes die gewone uitdagings beleef: Ure-enure se ry in ‘n voertuig, die 6-uur wag op Beitbrug-grenspos, asook die talle padblokkades in Zimbabwe. Maar dan net weer die groot beloning om veilig in Malawi aan te kom en hierdie pragtige land se mense se wonderlike gasvryheid en vriendelikheid te ervaar. Soveel Malawiërs wat God met soveel oorgawe dien, ten spyte van moeilike omstandigede en armoede. Ons is telkens so dankbaar vir God se voorsiening en beskerming, maar word dan elke keer net weer bemoedig om die vreugde te ervaar as iemand wat God werklik ken, vir die eerste keer ‘n eie Bybel ontvang! Ons kon by elke kerk ten minste so 6 tot 8 Bybels in die hande van God se kinders plaas, en het weer eens daarop gefokus dat elke leraar, of student-leraar, ‘n Bybel ontvang.

Ons het in hierdie week die wonderlikste getuienissoorte ontvang en maar net weer so bewus geword van die nood aan Bybels – soveel Christene wat nog nooit ‘n eie Bybel gehad het nie! Lidesi Biniel, ‘n lidmaat van die Pilar of Fire kerk naby Salima, getuig nadat sy haar eie Bybel in haar moedertaal ontvang het: “I had to borrow a Bible from a friend – Today God gave me a weapon in the hand.” Kyk gerus op die skakel <http://www.harvestersministries.com/photo-gallery.html> na foto’s van Malawi June 2016 en ook op die volgende skakel van die Harvesters Ministries Facebook bladsy: [Malawi Bybels Jun2016](#)

Ons is tans besig met ‘n projek om fondse te genereer vir Bybels vir Chad in Noord-sentraal Afrika. Daar is sedert 2014 reeds 80 Harvesters kerke in N’djemena geplant, en ‘n span gelisensieerde opleiers gaan hierdie Bybels in November uitdeel, wanneer daar in Mondo ‘n nuwe kerkplant-stroom geloods

word. Francois Rauch en Rohan Bouwer kon dan ook verlede naweek Bybels aan 167 nuwe kerkplanters in Angola gee, wat hierdie Bybels aan kerke in 18 provinsies gaan uitdeel. Prys die Here hiervoor! Kyk gerus ook na hierdie foto’s op die Facebook Bladsy.

God se Woord is kosbaar! Baie dankie weereens vir jul vennootskap!

Seënwense,

André Jooste ( General Manager: Bibles for Believers)

## CANSA PROJEK

### Lieve Gemeente

Ons is besig met ons CANSA-projek vir 2016 tot einde Oktober. Elke gesin sal in die tyd ‘n koevert kry waarin julle bydraes kan lewer. Vra gerus ook vir jou kollegas by die werk, familie en vriende. Kom ons poog om met hierdie projek die hele gesin te betrek. Dit is ‘n instelling by ons Oosdoppers om jaarliks ‘n mooi bedrag in te samel vir CANSA en ons vertrou dat ons dit weer hierdie jaar sal doen. Wanneer julle bydraes gereed is, plaas asb die koevertjie in die kollektesakkie of in die kluis. Vir enige verder navrae praat gerus met Odelia Venter wat aan stuur staan van hierdie projek (083 290 1572).

Van ons gemeentelede wat die kankerpad al geloop het, deel graag hulle belewenisse met ons.

Hier is so ‘n lidmaat se getuienis...

## Die groot K en ons groter GOD

Vroeg in 2010 het my huisdokter my na ‘n mediese spesialis verwys omdat my PSA-telling oor tyd konstant toegeneem het, en gevaaarlik hoog begin word het, en die gevaaar van prostaatkanker was daar, alhoewel ek nooit enige simptome beleef het nie.

En dan die spesialis-ondersoek: tydens sy eerste ondersoek sien die uroloog ‘n donker kol op een van my niere, is dit dalk kanker.....? Dan intensiewe reeks extrale in ‘n poging om nader aan die waarheid te kom – steeds baie onsekerheid en menslikerwys spanning wat

opbou – nee, nie kanker in die nier nie, God se genade is groot, besef ek opnuut.

Dan die aanbeveling van 'n prostaat-biopsie om seker te maak, kanker of nie-kanker? Uitslag: kanker in die prostaat ..... dan die onsekerheid, het die kanker dalk versprei, uitsaaings gemaak na ander kliere/bene/organe? Net hier besef ek opnuut my verganklikheid, nietigheid, swakheid, sondigheid en totale afhanklikheid van God-Drie-Enig, en diep binne my word ek bewus van en voel ek die krag van die Heilige Gees wat binne my werk, my dra en my vrede gee.

Verskeie intensiewe toetse volg om verspreiding, aldan nie te bepaal, en elke keer as ek onder die groot ondersoekligte lê voel ek 'n onverklaarbare kalmte oor my spoel, wat ek glo net die krag van die Heilige Gees kan bewerk – en dan die uitslag: die kanker het nie versprei nie.

In hierdie maandelange proses, voor die moment van keuse tot sjirurgie, voel ek telkens die krag van die Gees, voel ek telkens nog nader aan God en voel ek 'n proses van geloofsgroei en totale oorgawe aan ons Hemelse Vader se wil – ek leef in totale oorgawe en vrede in my hart. Ek het my ook betrapp dat ek in die fase van beproeing meer as gewoonlik God se Woord en Sy beloftes daarin opgesoek het – om maar 'n paar te noem Eks 14:14, Psalms 16:5/6, 23:4/6, 27:1, 31:6, 37:3-5, Jes 41:10, Jes 43:1-3, Jer 29:11, die nogtans-geloof van Hab 3:17-19, en Openb 3:5/12/21.

Die operasie (Brachi-terapie) op 11 Nov 2010 het ek met blymoedige geloofsvertroue en Geesgedreve hoop tegemoet gegaan, en kan ek vandag weer getuig: **Christus alleen is die Weg, die Waarheid en die Lewe! Aan God alleen al die eer!**

## BEROEPENUUS

### BEROEPE ONTVANG

- Proponent J Cronje (Jaco) na Aliwal-Noord.

- Dr JA Erasmus (Jannie) van Odendaalsrus na Rustenburg.

### BEROEPE AANVAAR

- Ds AP Kruger (Abraham) van Welkom/Virginia na Wolmaransstad.

**Die volgende proponente is deur hulle onderskeie Klassisse met die Deputate van Streeksinodes beroepbaar gestel:**

- Proponent Werner Brotherton – Sel. 073 445 1334
- Proponent Andries Burger – Sel. 079 875 4153
- Proponent MM Funeka – Sel. 084 097 3529
- Proponent Hardus Lee – Sel. 084 983 8714

### SOSIALE MEDIA VIR ONS GEMEENTE

Webblad: [www.oosdoppers.co.za](http://www.oosdoppers.co.za)



Facebook:

[www.facebook.com/oosdoppers](https://www.facebook.com/oosdoppers)

Ons wil ook graag 'n vriendelike versoek rig dat u nie op die gemeente se elektroniese sms-stelsel terug antwoord nie, maar asseblief die kerkkantoor bel of 'n e-pos stuur, aangesien dit 'n rekenaar-sms is.

Karel se preke kan ook aanlyn besigtig word by

<http://karelsteyn.blogspot.co.za/>



### KONTAKBESONDERHEDE: PREDIKANTE & KANTOOR

Ds. Piet: 018 290 5635 / 082 779 1237

Ds. Karel: 018 294 3067 / 072 476 8794

Kerkkantoor: 018 290 7690

# Susters



## TEESKINKGELEENTHEID

Tee word **vandag** in die Skuur bedien onder die leiding van Stephanie Earle (Groep 34), Alicia Bruwer (Groep 35) en Anine Korb (Groep 36).



**Volgende week** skink Marie du Plessis (Groep 37), Engela vd Walt (Groep 38) en Miems Labuschagne (Groep 40) tee.

Baie dankie aan die groepsusters en hulle groepe se susters en broers wat met die skink en opwas help! **Ons moedig susters en broers aan om te kom help met die skink en opwas - so leer ons mekaar en ons nuwe groepe beter ken!**

## SUSTERSBYDRAE



Die susters se fondse word verkry uit elke suster se vrywillige bydrae (R150 per jaar) en die fondse wat geïn word tydens fondsinsamelingsgeleenthede. Hierdie geld word gebruik om uit te reik na minderbevoorregtes en daar word jaarliks aan verskillende verdienstelike instansies, hoofsaaklik in Potchefstroom, donasies gegee.



## BLIKKIES-WARMHARTE

Die doel van die blikkies (wat jy in die voorportaal van die kerk kan kry) is dat almal hulle lastige kleingeld in 'n blikkie sal goo en die vol blikkie dan in die voorportaal van die kerk sal neersit. Die geld word dan gebruik om blomme of iets toepaslik aan te koop vir iemand wat deur beproeing gaan. Baie dankie aan almal wat so getrou vir ons die vol blikkies bring.



## SUSTERSAAMTREK 2017


Ons susters bied volgende jaar die Sustersaamtrek aan op 4 Maart 2017. Ons benodig elke suster se hulp om hiervan 'n sukses te maak.

Ons spreker vir die geleentheid is: Magdal Pienaar-Marais van Pretoria.

## BAIE DANKIE AAN ONS BORG VAN DIE WEEK!

  
Kerkstraat 199  
Potchefstroom  
Tel: 297 7247  
**MOOI RIVIER**  
APTEEK PHARMACY  
Elke dag oop tot 20:30

ESTÉE LAUDER      ORLANE PARIS  
**PAYOT** PARIS      CLARINS PARIS  
Kanebo      REVOLN  
**ROC**      GREEN + CROSS



# OOSDOPPERTJIE-NUUS

Maats, vandag gaan ons weer voort met die Bybel-verhale - onthou julle dat ons laaste verhaal gehandel het oor Farao wat die Israeliete wou wys wie is baas...kom ons kyk wat het toe verder gebeur.



**FARAO SE GEDULD OP; SKORT ALLE ONDERHANDELINGE MET DIE ISRAELIETE OP MEMPHIS.** - Die farao, wat allerwee daarvoor bekend is dat hy bereid is om na enige een se vertoe te luister, se geduld met die Israelitiese segsman Moses is op. Hy het hom gister weggejaag en met die dood gedreig as hy dit ooit weer in die paleis sou waag.



Moses en sy broer Aäron het die afgelope paar weke die farao tot die uiterste toe beproef met hulle eis dat hy die Israeliete moet toelaat om in die woestyn vir hulle god te gaan offer. Aanvanklik het die farao toestemming gegee dat hulle in die land self 'n offer kan bring, maar daarmee was Moses nie tevrede nie. Hy wil die offer drie dagreise ver die woestyn in gaan bring. Dit het die vermoede laat ontstaan dat daar meer agter die offerplan skuil as wat die Israeliete te kenne wil gee. Volgens ingeligte bronne vrees die farao dat die aandrang tot 'n offer slegs 'n rookskerm is, en dat die Israeliete die land wil verlaat.

In 'n besonder grootmoedige gebaar het die farao egter gister wel toestemming gegee dat hulle in die woestyn hulle offer kan bring, maar nog was dit nie genoeg vir Moses nie. Hy het daarop aangedring dat hulle al hulle vee ook moet saamvat, kwansuis omdat hulle nie vooraf kan bepaal watter offerdiere hulle god sal vereis nie. Dit was die laaste strooi vir die farao. Hy het verdere onderhandelinge opgeskort en Moses die paleis belet.

Lees hiervan in Eks. 10: 24-29.

## KAMP-NAWEEK

Maats, onthou van ons kampnaweek, 7 en 8 Oktober vanaf 17:00 by die kerk.

Kostes R50 p/p

### Program:

Kamp opslaan

Ete

Kampvuur kuier

Lantern bekruip

Hot-chocolate met marshmallows

Slaap

Oggendoordenking

Koffie en Beskuit

Opruim tot volgende keer



Kontakpersoon: Marie Oosthuizen 082 929 3834